

定襄縣補志卷之三

建置志

城池	公署	學校	秩祀	倉庫
坊表	郵政	都里	鋪遞	橋梁
冢墓	水利	集場	茶房	兵防

周禮匠人營國左祖右社面朝後市其造都鄙亦如之蓋畫疆分理有土地則必有民人社稷有民人社稷則必有城郭宮室倉廩府庫而建學校以明倫樹坊表以作則皆建置之不容緩者也外而至於比閭族黨之相維郵遞津梁之畢舉以及鰥寡孤獨廢疾有養邱墓域地有禁亦建置之所務詳者也特患曰

久或至墮廢耳人存政舉是所望於守土者茲統列於前而各標以目別爲序次如左以便觀覽志建置

城池 堡寨 墩臺附

古定襄城距縣百里馬家莊東魏土地記夏后氏築或曰趙襄子又曰石勒起兵築考舊唐志後漢末移陽曲於太原界乃於陽曲古城置定襄縣周四里七十三步高四丈池深二丈一尺濶二丈七尺乾隆四十七年霍雨兩旬東南一帶傾圯四十八年知縣徐攀桂請帑修補五十二年補修北城大臺子六十年

西南一帶傾圯知縣王之屏補修

堡寨

舊志堡寨已詳者一概不錄未詳者撫實補註而分列於前者紀補舊也今將現存者列前已

廢者附後

東鄺村堡

縣東十里元義民鄺君積與妻寇氏築堡避亂卽此

橫山村堡

縣北三十里元吏部侍郎姚彥和讀書於此後稱爲姚公云

張村堡

縣南十里相傳雷澤遇仙於此內有遇仙樓又云漢袁紹嘗避暑於此舊名避暑堡

藍臺鎮東堡

縣西十五里相傳賀惟忠築故名賀公堡以上各堡俱係舊志未詳者

藍臺鎮西堡

亦名張家臺

北關堡

縣東北里許詳見古蹟

南王村前堡

縣東南十五里

南王村中堡

同上

南王村後堡

同上

張趙堡

縣西六里

以上各堡俱現存

董村堡

縣南五里指揮僉事石起夫築
元年柳同春攻破遂廢

國初順治

五虎堡

在西河頭村相傳李氏有兄弟五人築堡居
中以避姜逆之亂土人因呼爲五虎堡

以上堡俱久廢

鎮安寨

縣東北二十里至元間恒山軍亂鎮國上將
軍元帥樊天勝築寨於此遷臺州民以避寇

又云中山王徐達征

北時築寨駐軍處

蕎麥寨

縣東北二十里蔣村勢極峻聳與神山寨隔
河相峙通志云與玉池灣胥要地明嘉靖間

俺答入寇

破蕎麥寨

青石村土寨

縣東北三十五里五臺東治界相傳翰林劉彥誠兄弟嘗避寇於此

上湯頭村山寨

縣西北三十里崞縣板市界順治四年劉遷入寇破此寨

墩臺

智村墩

萬歷元年知縣王濯征增築

西古城墩

順治四年知縣祝文光築

以上墩俱西路

東古城墩

順治四年知縣祝文光補修

王進村墩

以上墩俱東路

小王村墩

順治四年知縣祝文光補修

蔣村墩

順治四年知縣祝文光補修

芳蘭鎮墩

隆慶二年巡道沈人种檄知縣李廷儒增修順治四年知縣祝文光補修

青石墩

順治四年知縣
祝文光補修

以上各墩俱東北路

春秋成城必書穀梁子謂城以保民而爲城之所係
綦重矣考月令孟秋補城仲秋修城類古防秋之義
無非設險守國以備不虞也定襄之在冀北其地不
一城亦不一而古城則陽曲撫城舊址今城則建自
北齊宋金元明因之歷來增修營繕頗稱雄壯爲關
內巖疆但業經多年其間滄桑變遷敵樓墩臺不無
傾圯城郭堡寨亦不無損壞時際昇平自可無虞然

地當南北咽喉東西要路思患豫防未雨綢繆則有
土者事也及時補修隨力營治俾得倚爲北門鎖鑰
晉昌保障詎不善哉

公署

縣署洪武三年主簿李忠建

典史署在縣署東

千總署在縣署西向無專汛邇設千總一員駐土嶺
口道光間千總王紹緒以演武場在西關外訓練不
便遂移駐城內卽前明大理寺評事鞏良定宅改造

規制不甚宏敞

先王以貴治賤廉遠堂高向明而理則解署爲具瞻之要已詩不云乎君子攸躋君子攸甯曷可苟也定襄遞有修廢類多改作故規模宏敞肅人觀瞻守斯土者升斯堂也入斯室也仰而觀俯而察何以答君恩何以恤民瘼何以治明理幽何以進忠補過早作夜思期無憾而後安則署以人傳後之人將頌而美之曰某公德某公才廣廈萬間斯民之受庇實多矣不且與公署並垂不朽乎哉

學校

黃瓦

殿榜

匾額

對聯

廟祀考

文廟制

黃瓦

乾隆二年

諭禮部至聖先師孔子天縱神聖師表

萬世尊崇之典至我朝而極盛

皇考世宗憲皇帝尊師重道禮敬尤隆闕里文廟特

命易葢黃瓦鴻儀炳煥超越前模朕祇紹先猷切思

國子監爲首善觀瞻之地辟雍規制尤宜崇飾大成

門大成殿着用黃瓦崇聖祠着用綠瓦以昭展敬至

意

欽定曰
下舊聞攷

殿榜

乾隆三十三年諭內閣修葺文廟現屆落成太學
規模式昭輪奐惟門題殿榜尙應詳考彙章用申景
仰向來正殿稱先師廟二門曰廟門而大門未有書
額蓋沿明代舊文未加釐正夫廟門之號於禮經所
稱祖廟旣涉嫌疑而先師廟額揭諸殿楹名實尤多
未稱應於大門增先師廟額其正殿改爲大成殿二
門改爲大成門庶符會典定制朕親書榜字涓吉恭

懸以彰崇道尊師之至意

同上

匾額

聖祖御書額曰萬世師表

世宗御書額曰生民未有

高宗御書額曰與天地參

仁宗御書額曰聖集大成

宣宗御書額曰聖協時中

文宗御書額曰德齊疇載

穆宗御書額曰聖神天縱

今上御書額曰

對聯

世宗御書聯曰先覺先知爲萬古倫常立極至誠至聖
與兩間功化同流又德冠生民溯地闢天開咸尊首
出道隆羣聖統金聲玉振共仰大成

高宗御書聯曰氣備四時與天地鬼神日月合其德教
垂萬世繼堯舜禹湯文武作之師又覺世牖民詩書
易象春秋永垂道法出類拔萃河海泰山麟鳳莫喻
聖人又齊家治國平天下信斯言也布在方策率性

修道致中和得其門者譬之宮牆

日下舊聞考

廟祀考

漢高帝十二年詔祀孔子以太牢諸侯王卿相至郡先謁廟而後從政

唐明皇開元二十七年追贈孔子爲文宣王二十八年詔春秋二仲月上丁祭

明太祖洪武十四年首建太學十七年勅每月朔望祭酒以下行釋菜禮郡邑長以下詣學行香循前代之舊孔子封大成至聖文宣王南向四配東西

向稍前十哲稍後皆於廟中封公爵從祀諸賢列
東西廡凡百有五人皆封侯伯顏子充國復聖公
曾子邾國宗聖公子思子沂國述聖公孟子鄒國
亞聖公是爲四配費公閔損薛公冉雍黎公端木
賜衛公仲由魏公卜商鄆公冉耕齊公宰予徐公
冉求吳公言偃陳公顓孫師是爲十哲兩廡東金
鄉侯澹臺滅明任城侯原憲汶陽侯南宮适萊蕪
侯曾點須昌侯商瞿平輿侯漆雕開睢陽侯司馬
耕平陰侯有若東阿侯巫馬施陽穀侯顏辛上蔡

侯曹卹枝江侯公孫龍馮翊侯秦商蠡澤侯顏高
上邽侯壤駟赤成紀侯石作蜀鉅平侯公夏首膠
東侯后處濟陽侯奚容蒧富陽侯顏祖滏陽侯句
井疆鄆城侯秦祖武城侯縣成卽墨侯公孫句茲
汧源侯燕伋宛句侯顏之僕建城侯樂欽堂邑侯
顏何林慮侯狄黑鄆成侯孔忠徐成侯公西藏臨
濮侯施之常華亭侯秦非文登侯申棖濟陰侯顏
噲泗水侯孔鯉蘭陵伯荀况睢陽伯穀梁赤萊蕪
伯高堂生樂壽伯毛萇彭城伯劉向中牟伯鄭眾

緱氏伯杜子春良鄉伯盧植司空王肅司徒杜預
昌黎伯韓愈豫國公程顥新安伯邵雍溫國公
馬光建甯伯胡安國華陽伯張栻魏國公許衡凡
五十三人西則單父侯宓不齊高密侯公冶長北
海侯公皙哀曲阜侯顏無繇共城侯高柴壽張侯
公伯寮益都侯樊須鉅野侯公西赤千乘侯梁鱣
臨沂侯冉孺沐陽侯伯虔諸城侯冉季高宛侯漆
雕徒父濮陽侯漆雕哆鄒平侯商澤當陽侯任不
齊牟平侯公良孺新息侯秦冉梁父侯公肩定聊

城侯鄴單祈鄉侯罕父黑緇川侯申黨厥次侯榮
旂南華侯左人郢胸山侯鄭國樂平侯原亢胙城
侯廉潔博平侯叔仲會高堂侯邾異臨胸侯公西
輿如內黃侯遽伯玉長山侯林放南頓侯陳亢陽
平侯琴張博昌侯步叔乘中都伯左邱明臨淄伯
公羊高乘氏伯伏勝成都伯揚雄考城伯戴聖曲
阜伯孔安國岐陽伯賈逵扶風伯馬融高密伯鄭
元任城伯何休偃師伯王弼新野伯范甯道國公
周敦頤洛國公程頤鄆伯張載徽國公朱熹開封